



ქალაქ რუსთავის მუნიციპალიტეტი

ქ. რუსთავი. კოსტავას გამზირი №20

ქალაქ რუსთავში შიდა ეზოებში სკვერების მოწყობის სამუშაოები

CPV კოდი - 45200000

სავარაუდო ღირებულება 868 554 ლარი დღგ-ს გათვალისწინებით

სატენდერო დოკუმენტაცია

საკონტაქტო პირი:

სატენდერო კომისიის აპარატის წევრი:

ქალაქ რუსთავის მუნიციპალიტეტის მერიის საფინანსო-საბიუჯეტო
სამსახურის შესყიდვების და დაგეგმარების განყოფილების
უფროსი: ლელა ლუბიანური

ტელ: (995 341) 22 10 94; მობ: 591 01 33 53

2016 წელი

სარჩევი

1.	ინსტრუქცია ტენდერში მონაწილეთათვის.....	3
2.	საკვალიფიკაციო მოთხოვნები.....	4
3.	ტექნიკური დავალება.....	5-6
4.	სხვა მოთხოვნები	6
5.	დამატებითი ინფორმაცია	6
6.	დანართი №1.....	7-8
7.	დანართი №2.	9
8.	სახელმწიფო შესყიდვის შესახებ ხელშეკრულების პროექტი	10-12

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედ დასმული (ბეჭედის არსებობის შემთხვევაში) უნდა იყოს უფლებამოსილი პირის მიერ. (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული წინადადება.

2. საკვალიფიკაციო მოთხოვნები

2.1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1. იურიდიული პირისათვის და ინდივიდუალური მეწარმისათვის:

- ა. ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- ბ. ცნობა უფლებამოსილი ორგანოდან, რომ იურიდიული პირის მიმართ არ მიმდინარეობს გადახდისუუნარობის საქმის წარმოება.

2.1.2. ფიზიკური პირისათვის:

- ა. პირადობის დამადასტურებელი მოწმობის ასლი;
- ბ. ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება.

2.2. ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტაციის გაცემის თარიღი არ უნდა უსწრებდეს „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებულ ეტაპს, კერძოდ: „წინადადებების მიღება დაწყებულია“ სტატუსს, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ამ წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3. ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს მოთხოვნიდან არა უმეტეს 5 (ხუთი) სამუშაო დღეში (ზუსტი ვადა დაზუსტდება მოთხოვნისას). არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოს მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტის მიერ ადმინისტრაციული ორგანოდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში უნდა განხორციელდეს სისტემის მეშვეობით. „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-12 მუხლის მე-17 და მე-18 პუნქტების გათვალისწინებით.

შენიშვნა: პრეტენდენტი, რომელიც მონაწილეობას მიიღებს ტენდერში, საკვალიფიკაციო მონაცემების წარმოდგენისას არ უნდა იყოს რეგისტრირებული მოვალეთა რეესტრში, წინააღმდეგ შემთხვევაში დაექვემდებარება დისკვალიფიკაციას

3. ტექნიკური დავალება

სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას სატენდერო დოკუმენტაციით განსაზღვრულ მოთხოვნებზე

3.1. ანგარიშსწორების პირობები:

3.1.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.1.2. ანგარიშსწორება მოხდება უნაღდო ანგარიშსწორებით ლარში.

3.1.3. ანგარიშსწორება იწარმოებს ეტაპობრივად, „მიმწოდებლის“ მიერ სამუშაოს შესრულების დამადასტურებელი ფორმა №2-ის, მიღება-ჩაბარების აქტისა და შესაბამისი ფინანსური დოკუმენტაციის წარმოდგენიდან 20 (ოცი) სამუშაო დღის განმავლობაში.

3.1.4. ფორმა №2 დამოწმებული და ხელმოწერილი უნდა იყოს ქალაქ რუსთავის მუნიციპალიტეტის მერიის ინფრასტრუქტურის, მშენებლობისა და კეთილმოწყობის სამსახურის უფროსის მიერ.

3.1.5. საბოლოო ანგარიშსწორებისას გამოყენებული იქნება ს.ს.ი.პ. „ლევან სამხარაულის სახელობის სასამართლო ექსპერტიზის ეროვნული ბიურო“-ს დასკვნა და მიმღები ჯგუფის მიერ ხელმოწერილი მიღება-ჩაბარების აქტი. (ს.ს.ი.პ. „ლევან სამხარაულის სახელობის სასამართლო ექსპერტიზის ეროვნული ბიურო“-ს დასკვნის ხარჯებს აანაზღაურებს შემსყიდველი).

3.1.6. წინასწარი ანგარიშსწორება: არაუმეტეს ხელშეკრულების ღირებულების 30%-ის ოდენობით, შესაბამისი საბანკო ან სადაზღვევო გარანტიის საფუძველზე, რომლის მოქმედების ვადა არანაკლებ 2 (ორი) თვით უნდა აღემატებოდეს სამუშაოს შესრულების საბოლოო ვადას.

3.1.7. დაფინანსების წყარო: 2016-2017 წლის ადგილობრივი ბიუჯეტი. (2016 წლის ადგილობრივი ბიუჯეტიდან დაფინანსდება 580 000.00 (ხუთას ოთხმოცი ათასი ლარი და 00 თეთრი) ლარი, ხოლო 2017 წლის ადგილობრივი ბიუჯეტიდან დაფინანსდება 288 554.00 (ორას ოთხმოცდარვა ათას ხუთას ორმოცდათოთხმეტი ლარი და 00 თეთრი) ლარი)

3.2. შესყიდვის ობიექტის ტექნიკური პირობები და მუცულობა:

3.2.1. ქალაქ რუსთავში შიდა ეზოებში სკვერების მოწყობის სამუშაოები.

3.2.2. შესყიდვის ობიექტის ტექნიკური პირობები და რაოდენობა მოცემულია სატენდერო დოკუმენტაციის დანართ №1-ში, ელექტრონულ სისტემაში სატენდერო დოკუმენტაციასთან ერთად ატვირთულ ხარჯთაღრიცხვების დანართ №3-ში და ნახაზებში.

3.2.3. სამუშაოს შესრულება უნდა განხორციელდეს არსებული სამშენებლო ნორმებისა და სტანდარტების მიხედვით.

3.2.4. სამუშაოების შესრულების პროცესში ყველა გამოყენებული მასალა უნდა შეესაბამებოდეს ამ სფეროში აღიარებულ სტანდარტებს.

3.2.5. შესრულებულ სამუშაოზე საგარანტიო ვადა: საბოლოო მიღება-ჩაბარების აქტის გაფორმებიდან 3 (სამი) წელი.

3.2.6. საგარანტიო პერიოდის განმავლობაში, ექსპლუატაციის პირობების დაცვის შემთხვევაში, დეფექტის ან ხარვეზის აღმოჩენის შემთხვევაში მიმწოდებელი ვალდებულია გამოვლენილი დეფექტი გამოასწოროს შემსყიდველთან შეთანხმებულ გონივრულ ვადაში, თავისი ხარჯებით, შემსყიდველის მხრიდან რაიმე დანახარჯის გაწევის გარეშე.

3.2.7. მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების გათვალისწინებით, სამუშაოების ხარჯთაღრიცხვების და ტექნიკური ნახაზების შესაბამისად.

3.2.8. მიმწოდებელმა სამშენებლო/სარეაბილიტაციო სამუშაოების დაწყებამდე ტერიტორიაზე უნდა გადაამოწმოს საპროექტო ნიშნულები, ასევე სამშენებლო მოედანზე გადაამოწმოს საპროექტო ნახაზებში მითითებული ზომები და ნებისმიერი უზუსტობა აცნობოს შემსყიდველს.

3.2.9. შესრულებული სამუშაოების საბოლოო მოცულობები დადგინდება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს მიერ მომზადებული შესაბამისი საექსპერტო დასკვნით.

3.2.10. სამუშაოს შესრულების პროცესში უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება.

3.2.11. სამუშაოების მიმდინარეობას ტექნიკურ ზედამხედველობას გაუწევს ქალაქ რუსთავის მუნიციპალიტეტის მერიის ინფრასტრუქტურის, მშენებლობისა და კეთილმოწყობის სამსახური.

3.2.12. მშენებლობის მიმდინარეობის პროცესში ყოველგვარი უსაფრთხოების წესების დაცვაზე სრული პასუხისმგებლობა ეკისრება მიმწოდებელს.

3.2.13. ტექნიკური დავალებით გათვალისწინებული რომელიმე ვალდებულების დარღვევის შემთხვევაში, აღნიშნულის შედეგად წარმოშობილ ზიანზე სრული პასუხისმგებლობა დაეკისრება მიმწოდებელს.

3.2.14. მიმწოდებელმა უნდა უზრუნველყოს ყოველ კონკრეტულ ობიექტზე (მისამართზე) სამუშაოების დაწყების შეთანხმება შემსყიდველთან.

3.2.15. განფასებული ხარჯთაღრიცხვები წარმოდგენილი უნდა იქნას საქართველოს მთავრობის 2014 წლის 14 იანვრის №55 დადგენილების გათვალისწინებით.

3.2.16. განფასებულ ხარჯთაღრიცხვაში სავალდებულოა დაფიქსირებული იქნეს გაუთვალისწინებელი ხარჯი-„3%“.

3.3 გამოცდილება:

3.3.1. პრეტენდენტს 2013-2014-2015 წლების განმავლობაში უნდა გააჩნდეს სამშენებლო-სარეაბილიტაციო სამუშაოების შესრულების არანაკლებ 1 737 108.00 (ერთი მილიონ შვიდასოცდაჩვიდმეტი ათას ასრვა ლარი და 00 თეთრი) ლარის ოდენობის გამოცდილება, რაზედაც პრეტენდენტმა ელექტრონულ სისტემაში უნდა ატვირთოს შესაბამისი სამუშაოების შესრულების დამადასტურებელი ხელშეკრულებ(ებ)ა და წარმოდგენილი ხელშეკრულებ(ებ)ის შესაბამისი მიღება-ჩაბარების აქტ(ებ)ი.

4. სხვა მოთხოვნები:

4.1 სამუშაოს შესრულების ვადა და ადგილი:

4.1.1 სამუშაოს შესრულების ვადა: ხელშეკრულების გაფორმებიდან **150** (ასორმოცდაათი) კალენდარული დღე.

4.1.2 სამუშაოს შესრულების ადგილი: ქალაქი რუსთავი, დანართ №1-ში მითითებული მისამართები.

4.2 სატენდერო წინადადების ფასი:

4.2.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

4.2.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

4.3 პრეტენდენტის მიერ ერთიან ელექტრონულ სისტემაში ასატვირთი მონაცემები:

4.3.1. სატენდერო წინადადების ფასი – განფასებული დანართი №1;

4.3.2. რეკვიზიტები: დანართი №2;

4.3.3. განფასებული ხარჯთაღრიცხვების დანართი №3;

4.3.4. სატენდერო დოკუმენტაციის ტექნიკური დავალების 3.3 პუნქტის 3.3.1 ქვეპუნქტით მოთხოვნილი დოკუმენტაცია-2013-2014-2015 წლების განმავლობაში სამშენებლო-სარეაბილიტაციო სამუშაოების შესრულების არანაკლებ 1 737 108.00 (ერთი მილიონ შვიდასოცდაჩვიდმეტი ათას ასრვა ლარი და 00 თეთრი) ლარის ოდენობის გამოცდილება, რაზედაც პრეტენდენტმა ელექტრონულ სისტემაში უნდა ატვირთოს შესაბამისი სამუშაოების შესრულების დამადასტურებელი ხელშეკრულებ(ებ)ა და წარმოდგენილი ხელშეკრულებ(ებ)ის შესაბამისი მიღება-ჩაბარების აქტ(ებ)ი.

5. დამატებითი ინფორმაცია:

5.1. სატენდერო წინადადება მოქმედებს სტატუსის: „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ მინიჭებამდე.

5.2. ტენდერში გამოყენებული იქნება ხელშეკრულების უზრუნველყოფის საბანკო/სადაზღვევო გარანტია, ხელშეკრულების საერთო ღირებულების **5%**-ის ოდენობით, რომლის მოქმედების ვადა არანაკლებ **180** (ასოთხმოცი) კალენდარული დღით უნდა აღმატებოდეს ხელშეკრულების მოქმედების ვადას.

5.3. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი **20%-ზე** მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ მიმწოდებელს მოსთხოვოს ხელშეკრულების შესრულების გარანტია **2%-დან 10%-მდე** ოდენობით. თეთრ სიაში რეგისტრირებული მიმწოდებელი შემსყიდველ ორგანიზაციას წარუდგენს მოთხოვნილი ოდენობის ხელშეკრულების შესრულების უზრუნველყოფის გარანტიის ნახევარს.

5.4. იმ შემთხვევაში თუ ტენდერში ელექტრონული ვაჭრობის შედეგად პრეტენდენტის მიერ სისტემაში დაფიქსირებული საბოლოო ფასი **20%-ით** ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულებების შესრულების შესაძლებლობა. ფასწარმოქმნის ადეკვატურობა პრეტენდენტის მიერ უნდა დასაბუთდეს ექსპერტის დასკვნით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. პრეტენდენტის მიერ წარმოდგენილი დასკვნა გაცემული უნდა იყოს აკრედიტებული პირის მიერ.

სატენდერო წინადადების ფასი ----- ლარი

ქალაქ რუსთავეში შიდა ეზოებში სკვერების მოწყობის სამუშაოები

№	ობიექტის დასახელება	ღირებულება (ლარი)
1	მე-19 მკ/რ №7, 18	
2	მე-19 მკ/რ №4, 8	
3	მე-19 მკ/რ №10, 24	
4	მე-17 მკ/რ №13, 17, 21	
5	მე-17 მკ/რ №19, 22, 10, 12	
6	მე-17 მკ/რ №30, 3, 5, 19	
7	მე-17 მკ/რ №1, 16, 2	
8	მე-17 მკ/რ №14, 23, 7, 8, 9	
9	მე-19 მკ/რ №12, 12 პრიმი, 13, 1	
10	მეგობრობის №43, 45	
11	მეგობრობის №39, 41	
12	თოდრიას I ჩიხი №4, 3, 5	
13	თოდრიას III ჩიხი №5,7	
14	მეგობრობის II გას. №3, ახმეტელის №4,6	
15	მეგობრობის №23-ის მ/ტ (ახალი მიწის სტადიონი)	
16	მე-8 მკ/რ №18, 15	
17	მე-7 მკ/რ №13, 14, 12, 15	
18	მე-7 მკ/რ №19, 16	
19	მე-7 მკ/რ №5, 6, 9	
20	ლეონიძის №14, 16	
21	ლეონიძის №24, 26	
22	ლეონიძის №28, 30	
23	ტაშკენტის №5 მიმ.ტერ.	
24	მე-15 მკ/რ №11, 12	
25	მე-14 მკ/რ №10	
26	შარტავას №5 მიმდ. ტერ	
27	21-ე მკ/რ №4	
28	მე-20 მკ/რ №16, 20, 19	

29	მე-20 მკ/რ №11, 10	
30	21-ე მკ/რ №11	
31	მე-12 მკ/რ №31, 32, 33, 34	
32	მე-12 მკ/რ №6,7,8,9,5	
33	მე-12 მკ/რ №1	
34	მე-12 მკ/რ №23, 20	
35	მე-11 მკ/რ №3 ს/ს	
36	მესხიშვილის №11, ლესელიძის №52, 52ა	
37	თოდრიას №13	
38	მარჯანიშვილის №7	
39	მე-11 მკ/რ №1 ჩეხური	
40	თბილისის №24, 26	
41	ყაზბეგის №11, 13	
42	ყაზბეგის №15, 17	
43	თბილისის №5 მიმდ.ტერ.	
44	თბილისის №35 მიმდ.ტერ.	
45	ფალიაშვილის №10	
46	ფალიაშვილის №6, 4	
47	შევჩენკოს №14, კლდიაშვილის №15	
48	რუსთაველის №15	
49	რუსთაველის №37, 39	
50	ბათუმის №17	
51	დ/მეტალურგთა №7	
52	ბერიტაშვილის №4, 6	
53	გიორგაძის №10, 12	
	ჯამი	
	გაუთვალისწინებელი ხარჯები (3%)	
	ჯამი	
	დ.დ.გ. (18%)	
	ჯამი	

(თანამდებობა, სახელი, გვარი)

(ხელმოწერა)

რეკვიზიტები:

პრეტენდენტის იურიდიული ფორმა და დასახელება:

ხელმძღვანელ(ებ)ის სახელი და გვარი:

პრეტენდენტის იურიდიული მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

(თანამდებობა, სახელი, გვარი)

(ხელმოწერა)

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ქ. რუსთავი

2016 წელი

ერთი მხრივ, ქალაქ რუსთავის მუნიციპალიტეტი (შემდგომში „შემსყიდველი“) წარმოდგენილი ქალაქ რუსთავის მუნიციპალიტეტის მერის ----- სახით და მეორე მხრივ, ---- (შემდგომში „მიმწოდებელი“) წარმოდგენილი მისი დირექტორის -- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“, „კვირა“, „თვე“-კალენდარული დღე, კვირა, თვე.
- 1.4 „შემსყიდველი“- ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ;
- 1.6 „სამუშაო“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 ქალაქ რუსთავში შიდა ეზოებში სკვერების მოწყობის სამუშაოები. (CPV45200000)
- 2.2 „მიმწოდებლის“ მიერ ხელშეკრულებით ნაკისრი ვალდებულებების აღწერა და მოცულობა მოცემულია ხელშეკრულების დანართ №1-ში, ხარჯთაღრიცხვების დანართ №3-ში და ელექტრონულ სისტემაში სატენდერო დოკუმენტაციასთან ერთად ატვირთული ნახაზებში.

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს ----- (-----) ლარს.
- 3.2 ხელშეკრულების საერთო ღირებულება მოიცავს „მიმწოდებლის“ მიერ ხელშეკრულებით გათვალისწინებული ვალდებულების შესრულებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 „მიმწოდებელთან“ ანგარიშსწორება ხორციელდება ეტაპობრივად, უნაღდო ანგარიშსწორების ფორმით ეროვნულ ვალუტაში.
- 4.2 ანგარიშსწორება იწარმოებს ეტაპობრივად, „მიმწოდებლის“ მიერ სამუშაოს შესრულების დამადასტურებელი ფორმა №2-ისა და ანგარიშგაქტურის წარმოდგენის შემდეგ 20 (ოცი) სამუშაო დღის განმავლობაში. ფორმა №2 დამოწმებული და ხელმოწერილი უნდა იყოს ქალაქ რუსთავის მუნიციპალიტეტის მერიის ინფრასტრუქტურის, მშენებლობისა და კეთილმოწყობის სამსახურის უფროსის მიერ.
- 4.3 საბოლოო ანგარიშსწორება განხორციელდება ფაქტიურად შესრულებული სამუშაოების მოცულობისა და ხარისხის დამადასტურებელი დოკუმენტის-სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს მიერ გაცემული დასკვნის საფუძველზე. შემსყიდველი უფლებამოსილია ექსპერტიზის დასკვნის გაცემამდე შესრულებულ სამუშაოზე შეაჩეროს ანგარიშსწორება ეტაპობრივად შესრულებული სამუშაოს ჯამური ღირებულების **10%-ის** ოდენობით.
- 4.4 წინასწარი ანგარიშსწორება შესაძლებელია განხორციელდეს ხელშეკრულების ღირებულების არაუმეტეს **30%-ის** ოდენობით, მხოლოდ მიმწოდებლის მიერ წარმოდგენილი საბანკო ან სადაზღვევო გარანტიის საფუძველზე, რომლის მოქმედების ვადა არანაკლებ 2 (ორი) თვით უნდა აღემატებოდეს სამუშაოს შესრულების საბოლოო ვადას.
- 4.5 დაფინანსების წყარო: 2016-2017 წლის ადგილობრივი ბიუჯეტი. (2016 წლის ადგილობრივი ბიუჯეტიდან დაფინანსდება **580 000.00** (ხუთას ოთხმოცი ათასი ლარი და 00 თეთრი) ლარი, ხოლო 2017 წლის ადგილობრივი ბიუჯეტიდან დაფინანსდება **288 554.00** (ორას ოთხმოცდარვა ათას ხუთას ორმოცდათოთხმეტი ლარი და 00 თეთრი) ლარი)

5. მიღება-ჩაბარების წესი

- 5.1 შესყიდვის ობიექტის ეტაპობრივად მიღება მოხდება სამუშაოების შესრულებაზე წარმოდგენილი ფორმა №2-ს საფუძველზე დამოწმებული და ხელმოწერილი ქალაქ რუსთავის მუნიციპალიტეტის მერიის ინფრასტრუქტურის, მშენებლობისა და კეთილმოწყობის სამსახურის უფროსის მიერ. ხოლო საბოლოო მიღება მოხდება სამუშაოების შესრულებაზე წარმოდგენილი ანგარიშგაქტურისა და ფორმა №2-ს შესაბამისად საჯარო სამართლის იურიდიული პირი-„ლევან სამხარაულის სახელობის სასამართლო ექსპერტიზის ეროვნული ბიურო“-ს შესაბამისი დასკვნის საფუძველზე. შესყიდვის ობიექტი ჩაითვლება სრულად მიღებულად, მხოლოდ ქალაქ რუსთავის მუნიციპალიტეტში წარმოებული სამშენებლო-სარემონტო სამუშაოების მიმდები ჯგუფის მიერ შესაბამისი მიღება-ჩაბარების აქტის გაფორმების შემდეგ, რომელსაც „შემსყიდველის“ მხრიდან ხელს აწერენ მიმღები ჯგუფის წევრები და თავმჯდომარე, ხოლო „მიმწოდებლის“ მხრიდან მისი დირექტორი.
- 5.2 მიღება-ჩაბარების აქტში მითითებული უნდა იყოს:
 - „მიმწოდებლის“ მიერ შესრულებული სამუშაოს აღწერა;
 - „მიმწოდებლის“ მიერ შესრულებული სამუშაოს ღირებულება;
 - „მიმწოდებლის“ მიერ შესრულებული სამუშაოს ჩამონათვალი;

6. სამუშაოს შესრულების ვადა და ადგილი

6.1 სამუშაოს შესრულების ვადა: ხელშეკრულების გაფორმებიდან 150 (ასორმოცდაათი) კალენდარული დღე.

6.2 სამუშაოს შესრულების ადგილი: ქალაქი რუსთავი, დანართ №1-ში მითითებული მისამართები.

7. მხარეთა უფლება-მოვალეობანი

7.1 „შემსყიდველი“ უფლებამოსილია:

- ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;
- ბ) არ ჩაიბაროს რაოდენობრივად, ხარისხობრივად ან უფლებრივად ნაკლები მომსახურება.
- გ) საჭიროების შემთხვევაში აწარმოოს შესრულებული სამუშაოებისა და გამოსაყენებელი ძირითადი საშენებლო მასალების ხარისხის კონტროლი, რომელთა ხარისხი უნდა შეესაბამებოდეს საქართველოში მოქმედ სტანდარტებსა და ნორმებს.

7.2 შემსყიდველი ვალდებულია:

- ა) უზრუნველყოს „მიმწოდებლის“ მხრიდან ხელშეკრულებით ნაკისრი, შესრულებული ვალდებულების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით;

7.3 მიმწოდებელი უფლებამოსილია

- ა) მოსთხოვოს შემსყიდველს ხელშეკრულებით ნაკისრი, შესრულებული ვალდებულების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 მიმწოდებელი ვალდებულია:

- ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით.
- ბ) იმ შემთხვევაში, თუ რომელიმე პარამეტრი არ შეესაბამება „შემსყიდველი“-ს მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი.
- გ) შესრულებულ სამუშაოზე საგარანტიო ვადა: საბოლოო მიღება-ჩაბარების აქტის გაფორმებიდან 3 (სამი) წელი.
- დ) სამუშაოები შეასრულოს მოქმედი საშენებლო ნორმებისა და წესების გათვალისწინებით, სამუშაოების ხარჯთაღრიცხვების და ელექტრონულ სისტემაში სატენდერო დოკუმენტაციასთან ერთად ატვირთული ნახაზების შესაბამისად.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ქალაქ რუსთავის მუნიციპალიტეტის მერიის ინფრასტრუქტურის, მშენებლობისა და კეთილმოწყობის სამსახური (შემსყიდველის მიერ ხელშეკრულების დადების მომენტისათვის შესაბამისად განსაზღვრული პირი).

8.2 ინსპექტირების გამწევის ფუნქციები:

- ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.
 - ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.
 - გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.
- 8.3 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

- 9.1 „მიმწოდებლის“ მიერ ხელშეკრულებით ნაკისრი ვალდებულების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო ყოველ ვადაგადაცილებულ დღეზე ხელშეკრულების შეუსრულებელი ვალდებულების ღირებულების 0.1% -ის ოდენობით.
- 9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების შეუსრულებელი ვალდებულების ღირებულების 1%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5 მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

- 11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.
- 11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. ხელშეკრულების შესრულების უზრუნველყოფის გარანტია

- 12.1 ხელშეკრულების შესრულების უზრუნველყოფის საბანკო/სადაზღვევო გარანტია №--- (ხელშეკრულების ღირებულების ---%) გაცემული ---- მიერ, რომელიც თან ერთვის ხელშეკრულებას როგორც მისი განუყოფელი ნაწილი, მოქმედებს 2016 წლის ----.
- 12.2 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების ---%-ის ოდენობის შესაბამისი საბანკო/სადაზღვევო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასათანადოდ შესრულების გამო.
- 12.3 იმ შემთხვევაში თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ორგანიზაცია ვალდებულია უზრუნველყოს გარანტიის დაუყოვნებლივ დაბრუნება.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 30 სექტემბრის ჩათვლით.

„შემსყიდველი“

„მიმწოდებელი“